

trinitas

Baie welkom by Trinitas!

*Ons sien onself as 'n verlose familie van diensknegte wat gestuur is.
Ontdek saam met ons wat dit vir jou en Vanderbijlpark beteken!*

1 Verlos

SONDAG, 21 FEBRUARIE 2016

OGGEND 09:00

Jou eie koning

Teks: Jes. 32:1,2; Matt. 4:23-25; Joh. 18:33-37 & HK Sondag 12

Oorsig:

Vandag hou mense nie sommer van gesag nie. Dalk is dit omdat gesag al te veel misbruik is. Dit maak dat al hoe minder mense ook van God en Jesus se gesag hou. Selfs mense in Trinitas besluit maar wanneer hulle vir Jesus hoef te luister en wanneer nie. Maar is gesag altyd 'n slegte ding? Wat gebeur as jy wel buig voor Jesus se koninklike gesag...?

AAND 18:00

Die Koning se gesag!

FOKUSTyd Bybelstudiegroepe

Teks: Judas 1:1-4; 12, 13, 16-25

Oorsig:

Baie mense stel belang in die genade van Jesus, maar soek nie graag sy gesag nie. Min kerke praat oor die gesag van Jesus en die gehoorsaamheid van sy volgelinge wat daarby pas. Dink jy Jesus het gesag wat gehoorsaam moet word? En hoe pas dit dan in by sy genade?!

PROGRAM VIR DIE WEEK

Sondag, 21 Februarie

Verjaarsdagtee (na die oggenddiens
Diakonievergadering 16:30

Dinsdag, 23 Februarie

Aandbybelstudie 19:00

Woensdag, 24 Februarie

Bybelstudie 09:00
Winning @work and @home 18:00

Vrydag, 26 Februarie

Manne-oggend 05:30

SONDAGAANDE: 1STE KWARTAAL

Datum	Geleentheid
21 Feb.	Fokustyd Bybelstudies
28 Feb.	Nagmaal (19:00)
6 Mrt.	Aandbyeenkoms
13 Mrt.	Gemeenskapsaand



2 Familie

LIEF EN LEED

Dink in jou gebede aan hierdie lidmate:

- Mariet Voges (Gert ☎ 0828168577) se operasie was 'n sukses. Sy is in intensief in Waterval hospitaal, Midrand.
- Dit gaan goed met Catharina Botes na haar operasie. Sy sterk tuis aan (Hans ☎ 0823350100).
- Brad Moolman was die afgelope week in Emf. Medi-Clinic vir behandeling en observasie (André ☎ 0828592186).
- Chantelle vd Berg (Chrisna ☎ 0839821322) was in Emf. Medi-Clinic met nierpypontsteking.

Laat weet asb. die kerkkantoor van siektes, swarkry en vreugdes.

VERJAARSDAE: HARTLIK GELUK!

22/02	Jackie Kleynjan	☎ 0844109714
22/02	Tanisha Moolman	☎ 0824465401
22/02	Anja Schrap	☎ 0833738646
22/02	Joané van Wyk	☎ 0169322100
22/02	Lou Vorster	☎ 0835021105
23/02	Sansha Nel	☎ 0824480763
23/02	Mikayla Victor	☎ 0797398770
24/02	Lizelda Bothma	☎ 0824149759
25/02	Lizel van Zyl	☎ 0169322902
25/02	Jan Vorster	☎ 0828805570
25/02	Henning Vorster	☎ 0832640387
26/02	Sonette Engelbrecht	☎ 0828525064
26/02	Barco Greeff	☎ 0169321419
26/02	Stephan Nel	☎ 0834651735

HUWELIKSHERDENKINGS

21/02	Dirk en Carin Viljoen ☎ 0834420666	35 jaar
26/02	Jan en Angenique vd Schyff ☎ 0843609464	11 jaar

27/02	Basie en Antoinette de Bruin ☎ 0836808980	23 jaar
-------	--	---------

SPESIALE VERJAARSDAE (80 jaar en ouer) en HERDENKINGS (50 jaar plus)

Geen

Die gemeente sing Sondag 'n seënbede vir lidmate wat die genade ontvang het om hierdie besonderse mylpale te bereik.

VERSORGING VAN DISSIPELS

Trinitas het 'n unieke benadering tot die versorging van ons lidmate. Met omtrent 850 lidmate is ons groter as die gemiddelde Gereformeerde Kerk. Om by die Bybelse beginsels te bly en ook prakties so slim as moontlik te werk, benader ons die versorging van ons lidmate as volg:

Selfsorg

Elke lidmaat is in die eerste plek self 'n volgeling van Jesus en voor die Here verantwoordelik vir selfsorg van sy of haar eie geloof en diens. Dit behels persoonlike gebed, Bybellees, gesprek met ander gelowiges, gemeentefunksies, Bybelstudie-geleenthede, kontak met ouderling en medewerker, en eredienste.

"Nader tot God en Hy sal tot julle nader," Jakobus 4:8.

"Om jou liggaam te oefen het wel 'n bietjie waarde, maar om in toewyding aan God te lewe, het in alle opsigte groot waarde, want dit bevat 'n belofte van lewe, vir nou en die toekoms,"

1 Timoteus 4:8.

"As 'n mens nie glo nie, is dit onmoontlik om te doen wat God wil. Wie tot God nader, moet glo dat Hy bestaan en dat Hy dié wat Hom soek, beloon," Hebreërs 11:6.

Mekaarsorg

As geloofsfamilie het almal ook 'n verantwoordelikheid om mekaar te help in hulle dissipelskap waar jy sien iemand is alleen, siek, kry swaar, worstel met sonde of geloofsvrae, benodig bemoediging of ondersteuning van enige aard. Dit gebeur een-tot-een, maar ook goed in Bybelstudie-groepe.

"Laat ons ook na mekaar omsien deur mekaar aan te spoor tot liefde en goeie dade," Hebreërs 10:24.

"Leer en onderrig mekaar met alle wysheid," Kolossense 3:16.

Sorg deur dienste

(diakens/ouderlinge/predikante)

In die geloofsfamilie gee Jesus sekere dienste aan elkeen tot voordeel van die res. Ouderlinge, medewerkers, diakens en predikante het spesifieke gawes waardeur hulle die res moet opbou, leer en versorg om effektiewe dissipels van Jesus te kan wees. Logies kom hierdie sorg ná die selfsorg en die mekaarsorg en is dit daar sodat selfsorg en mekaarsorg beter kan werk of waar dit nie werk nie.

"En dit is die 'gawes' wat Hy 'gegee het': apostels, profete, evangeliste, en herders en leraars. Sy doel daarmee was om die gelowiges toe te rus vir hulle diens en vir die opbou van die liggaam van Christus," Efesiërs 4:11, 12.

"Pas julle self op en die hele kudde wat die Heilige Gees onder julle sorg gestel het. Soos wagters 'n kudde versorg, so moet julle die gemeente van God versorg wat Hy vir Hom verkry het deur die bloed van sy eie Seun," Handeling 20:19.

Prakties:

- Versorg jouself eerste as dissipel van Jesus.
- Gebruik die geleentheid waar jy gaan leer om jouself beter te versorg.
- Gebruik die geleentheid waar ander mense jou kan liefhê en lei in jou dissipelskap.
- Versorg die mense naaste aan jou.
- Oorweeg om saam te kom werk as medewerker.
- Laat weet die mense, ouderling, medewerker, predikant as jy versorging nodig het.

Mag ons saam as familie onself en ander versorg om effektiewe dissipels van Jesus te wees wat aksie neem in 2016.

Griffel

ATTESTATE/BEWYSE

Word afgekondig.

NUWE LIDMATE

Die diakonie is aan die stuur van die Nuwe Lidmate-diensgroep. Kom ontmoet gerus die diensouderling na die erediens voor die preekstoel en skryf asb. al jou besonderhede in die boek by die Welkomhoekie in die saal.

HUISBESOEKVORMS

Indien jy huisbesoek wil ontvang van 'n ouderling, diaken of predikant, **voltooi 'n huisbesoekversoekbriefie wat by die deure beskikbaar is** en plaas dit in die kerkkantoor se rakkie in die saal of **Die Helper** se kassie by die hoofingang.

BYBELSTUDIES

Woensdae om 09:00 by die kerk.

Dinsdae om 19:00, Carterstraat 16


(soos op die kalender aangedui).

JOU GKSA HEFFINGS VAN R66 p.m.

Trinitas moet maandeliks 'n bedrag van R66 betaal vir elke lidmaat in ons Trinitas-familie wat geloofsbelydenis afgelê het. *Ongeag of jy enige kerklike bydrae maak*, moet die kerkraad hierdie bedrag maandeliks aan die kerkverband oorbetal. Dit kos ons Trinitas familie *elke maand* R41 595. (Jaarliks is dit R498 540!) Hierdie is nie 'n nuwe saak nie en geld al vir dekades lank vir elke gemeente in ons kerkverband. Dit word ook 'n raming genoem.

Indien jy jou R66 p.m. *kán* bydra, bring jy jou kant om jou familie elke maand R41 595 te spaar (en amper 'n halfmiljoen per jaar)! Dan kan ons baie opwindende dinge in ons bediening sonder kommer aanpak!

Hierdie R66 p.m. is veral belangrik indien jy op die oomblik dalk geen bydrae maak nie, terwyl 'n bydrae van selfs meer as R66 p.m. dalk vir jou moontlik sou wees. As jy reeds bydra, vra ons nie noodwendig dat jy hierdie bedrag nou ekstra moet gee nie.



Ons bring dit net onder jou aandag dat die eerste R66 van jou bydrae maandeliks eintlik elders gaan en dit 'n groot verskil maak aan ons begroting.

Maar, is hierdie heffing op jou as lidmaat werklik nodig? ... Ja!

Al die kerke in ons kerkverband het afgespreek om sekere werk saam te doen.



- Ons het 'n goeie teologiese skool met 10 professore en administratiewe en ondersteuningpersoneel.
- Ons het jaarliks omtrent 50 teologiese studente wat met beurse gehelp word.
- Ons het 103 afgetrede predikante, 69 weduwees en 10 wewenaars wat versorging nodig het.
- Administratiewe personeel om hierdie sake en finansies van die kerkverband te bestuur (Die Administratiewe Buro in Potchefstroom). Hier is ook kostes soos drukwerk, reiskostes, instandhouding van geboue en ander.
- Ons het jaarliks ongeveer 40 kerke wat finansiële ondersteuning kry

Hierdie heffing maak dus goeie en nodige werk moontlik. Wanneer jy maandeliks jou R66 bydra, help jy jou kerkverband om hierdie nodige dienswerk te doen. Jy maak dit dan ook moontlik vir ons as Trinitas om beter te kan bedien met ons begroting. Dankie vir almal se mooi gesindheid en bydraes.

VERJAARSDAGTEE – VANDAG

Vanaf 2016 wil ons graag almal in Trinitas se verjaarsdae vier en saam dankbaar wees oor elkeen wat vir nog 'n jaar gespaar is. Ons beplan daarom vier

verjaarsdagtees vir vanjaar, een elke kwartaal. Ons vra dat elkeen wat in die betrokke kwartaal verjaar asb. 'n bordjie eetgoed vir die tee sal bring. Almal word hartlik uitgenooi om vandag saam met ons te kom fees vier vir verjaarsdae vanaf 1 Januarie tot 31 Maart, 'n lekker koppie koffie te drink en 'n smulhappie te geniet.

Groete: Gasvryheid-diensgroep

Verjaarsdagtee-datums vir 2016:

Datum:	Wie bring eetgoed:
Vandag	1 Januarie-31 Maart
15 Mei	1 April-30 Junie
21 Augustus	1 Julie-30 September
23 Oktober	1 Oktober-31 Desember

FAMILIE-ETE 28 FEBRUARIE

Na 'n feestelike familie-ete verlede jaar het die diakonie dit goed gedink om weer 'n spitbraai vir die gemeente-ete te reël. Drie vleise met bykos en roomys sal beskikbaar wees teen R50 per volwassene en hoërskoolleerlinge en R20 vir laerskoolleerlinge. Die diakonie betaal die addisionele onkoste van R25 per kaartjie, die wat so voel, is welkom om hulle kaartjies teen vol prys te koop (dus R75 per volwassene en R45 per laerskoolleerling). Die kaartjies kan Sondag na die erediens by Theuns gekoop word in die saal. Bring jou gazebo, kampstoele en vriende dan kuier ons weer lekker saam!

3 Dienskneg

ORRELBEGELEIDING

09:00 – Nannes van der Walt

OUDERLINGE AAN DIENS

Floors Coetzee, Martin de Klerk

DIAKENS AAN DIENS

Marie Oliver, Tina J van Vuuren

KOSTER AAN DIENS

Theuns Odendaal

DATABORDDIENS

Behartig deur die Tegnieuse span

KOLLEKTES

Onder die erediens vir Diakonale Kas

21/02 – Christelikeonderwys

28/02 – Koningskinders

ONTVANG DIE PREEKTEKS PER E-POS

Stuur op Maandae 'n blanko e-pos na **preek@gktrinitas.co.za**. (Jy moet elke keer wat jy die preek wil hê 'n e-pos stuur). Die stelsel sal self binne 60 sekondes die preekteks vir jou aanstuur. Dis ten volle outomaties en werk 24/7. Kontak Hans van Wyk, ☎ 0828111990, vir inligting (*Preektekste sal Sondag na 12:00 op ons webblad beskikbaar wees*).

OPNAMES VAN EREDIENSTE OP CD

Indien jy 'n opname van 'n preek wil hê, stuur 'n versoek aan die kerkkantoor of aan Hennie Smit ☎ 0711063978.

GEHOORAPPARATE

Dit kan Sondagoggende agter in die kerk onder die trap gekry word.

TEESKINK

Vanoggend skink Theuns Odendaal se groepie. Sondag 6 Maart skink Anne-Marie Snyman se groepie. Gretha van

Wyk ☎ 0764688963 is die sameroeper van die diensgroep.

KLEUTERKERK

Kleuterkerk vind Sondagoggende saam met katkisasie plaas in die eerste klaskamer. Alle kleuters van 2-6 jaar is welkom. Mammass van tweejariges kan dit saam bywoon. Kontak Petroné van der Merwe ☎ 0729414308 indien jy geroepe voel om deel te vorm van die Kleuterkerkspan.

DR. FRANS MINNIE

Dr. Frans Minnie (pastorale berader) is op **Maandae** beskikbaar by die kerk **slegs vir lidmate van Gereformeerde gemeentes. Afsprake word deur die kerkkantoor of deur dr. Minnie self gemaak.** Kontak die Kerkkantoor vir afsprake. Donasies kan inbetaal word by: FNB Tjekrekening No: 621 843 512 04, Takkode: 250-945.

SIEKEBESOEK

Kontak die kerkkantoor of Tina J van Vuuren ☎ 0837881810 indien jy by die Siekebesoek-diensgroep wil inskakel.

MEDEWERKERS (ons kort nog medewerkers!!)

Dankie vir almal wat reeds hul name opgegee het. Die medewerkerslyste is in die saal by die ouderlinge se kennisgewingbord opgesit. Kontak gerus jou ouderling of Alan Brotherton ☎ 0834685243 met enige vrae.

KRUIDENIERSWARE BENODIG

Indien jy 'n bydrae wil maak, kan jy volgens die onderstaande lys aankoop (plaas skenkings in groot houer in die

saal naby die kombuis): Suiker, pasta, bullybeef, koffie, tee, soja maalvleis, grondboontjebotter, Pilchards vis, konfynt, melkpoeier, sout, bakedbeans, tamatie- en uiesmoor, pakkies sop, rys, blikkies gemengde groente, koekie Sunlight seep, toiletseep, toiletpapier, sjampoe, tandepasta, tandeborsels en waslappe (**plaas alle skenkings in die groot houer in die saal**. Ons waardeer alle hulp opreg). Diakonie

PROJEK – GROEIPYNE

Ons as Trinitas-familie het 'n probleem waaroor ons baie bly is! Vanweë groeiende gebruik van die fasiliteite en lokale op die terrein het ons ekstra stoorplek nodig sodat ons die bestaande lokale doelgerig kan gebruik. As spesiale projek wil ons graag 'n skeepsvrachouer (*container*) aankoop sodat hierdie momentum nie gekeer word nie. Die koste beloop ongeveer R25 000. Bydraes hiervoor, groot of klein, kan gemaak word in ons lopende rekening. Merk dit asb. as 'Groeipyne'.

KLEREBANK

Die klerebank vra dat lidmate wat los hangers het dit asseblief kerk toe sal bring sodat hulle die klere wat geskenk is, kan ophang en uitsorteer



DIE HELPER is 'n *diens* wat praktiese hulp met klein takies in en om die huis bied vir lidmate wat nie self daarmee kan regkom nie. Dit is tipies bedoel vir lidmate wat bv. verswak het, bejaard is of dames wat enkellopend is. Neem gerus die vrymoedigheid om gebruik te

maak van **Die Helper**. Vir hulp of raad, los 'n briefie in die houtkis in die voorportaal of kontak André Smith ☎ 0844627830.

BEROEP VAN OUDERLINGE

Die volgende persone se name word voorgehou vir goedkeuring om as ouderlinge te beroep: Nannes van der Walt, Willem Goodchild, Fanie van der Merwe en Stephan Nel. Indien geen besware na drie Sondae by die kerkraad ingedien word teen hierdie persone nie, sal voortgegaan word met die beroeping.

4 Gestuur



Kontak André ☎ 0828592186 of Rochelle Moolman ☎ 0824544147

ONDERSTEUNING VIR MADAGASKAR

Kontak: Gert Visser ☎ 0834491036
Bydraes: Aksie Uitreik, ABSA, rek no. 9055971748

EVANGELISASIE – KONINGSKINDERS

Philip Snyman ☎ 0834681035,
Anne-Marie Snyman ☎ 0798756743 of
Christa Snyman ☎ 0798779882.



Kontakpersoon:
Hardus Visser
☎ 0828215642.



ALGEMEEN

BELANGRIKE DATUMS FEBRUARIE

- 21 Feb. Diakonievergadering
- 21 Feb. Aand: Fokustyd Bybelstudies
- 28 Feb. Nagmaal en Familie-ete

GKSA NUUS

BEROEPE ONTVANG

- Ds CJ van Heyningen (Johan) van Stellenbosch na Meyerspark.

BEROEPE AANVAAR

- Proponent Z. van't Zand (Zander) na Middelburg-Noord.

BEROEPE BEDANK

- Ds ID de V Potgieter (Danie) van Rietvallei na Gobabis

OP DIE KENNISGEWINGBORD

- Bedankingsbrief Hoërskool Vanderbijlpark
- NG Driehoek basaar 27 Feb.
- 2016 Hartklopfes
- GK Schweizer-Reneke Gholfdag 16 Apr
- Geopende Deure
- 50 jaar Fees GK Kemptonpark
- Transoranje nuus
- Transoranje: Projek Hartklop Sente (Ons gemeente het R1 014,20 ingesamel. Bring steeds blikkies met jou sente).

KRUISPAD

Kruispad is die jeugtydskrif van die GKSA (www.kruispad.net). Stuur 'n e-pos aan kantoor@kruispad.net indien jy wil inteken of 'n artikel wil skryf.

BYBELS EN PSALMBOEKE

Maak gerus tydens die erediens gebruik van die Bybels en Psalmboeke op die

tafel in die voorportaal. Lidmate wat nog Bybels en groen Psalmboeke wil skenk, kan dit op die tafel plaas vir gebruik.

TRINITAS-BOEK-HOEK

Kontakpersoon: Franciska van der Merwe ☎ 0827818032.

WERKSOEKENDES

Indien jy werk benodig of wil aanbied, kan jy dit voortaan aan die kerkkantoor deurgee vir plasing in die nuusbrief.

KONTAK ONS

www.gktrinitas.co.za



GKTrinitas

Kerkkantoor: Elsabé Muller

☎ 0169825017 / 0724874258

kantoor@gktrinitas.co.za

Faks no.: 086 219 5728

Kerkkantoor tyd: Ma. tot Do.

Tye: 08:00 tot 13:00

Vrydae: 08:00 tot 12:00 (Nuusbrief)

Skriba: Gerrit van Wyk 0823328550

Kosters:

Theuns Odendaal 0832561387

Elsa Prinsloo 0794778699

Orrelis: Nannes v. d. Walt 0833041841

Bankbesonderhede van kerk:

Rek. naam: Geref. Kerk Vanderbijlpark

Trinitas ABSA Tjekrekening 530340449

Predikant: Griffel van Wyk

☎ 0169324615 / 0823543726

Adres: Ogilviestraat 6, SE2

e-pos: griffel@gktrinitas.co.za



JEUGBEDIENING

Beplanning van die eenheid wat behandel word vanaf Sondag 21 Februarie:

Graad 1 – 3

EENHEID 2 : MY DADE IS BELANGRIK : *My dae kan wys dat ek God vertrou en ander help*

Les 5 : Die geboorte van Isak

Les 6 : Jakob en Esau

Les 7 : Isak en die putte

Les 8 : Jakob jok

Graad 4 – 6

EENHEID 2 : ABRAHAM GLO GOD : *My keuse bewys my vertroue in God en dat ek Hom wil volg*

Les 5 : Abraham se nuwe huis

Les 6 : Die Here se belofte aan Abraham

Les 7 : God toets Abraham

Les 8 : Isak en Rebekkah

Graad 7 - 9

EENHEID 1: CHRISTENSKAP : DIE BASIS : *Feite rakende die ware ons*

~~Les 4 : Ons toestand : Skuldig~~

Les 5 : Ons behoefte : Genade

Les 6 : Ons reaksie : Dankbaarheid

Graad 10 (Heidelbergse Kategismus)

Les 5 - 8 : Verlossing

Let asseblief daarop dat hierdie slegs 'n aanduiding is van wat beplan word en dat daar dalk afgewyk mag word hiervan. Alle jeugleiers gaan so ver moontlik volgens die beplanning werk, maar indien daar ander reëlins is, sal dit aan die jeug in die betrokke grade deurgegee word. U as ouer word versoek om aktief betrokke te wees by u kind se opdragte en die temas kan ook gebruik word tydens gesinsbybelstudie. Die graad 11 jeug het 'n volledig uitgewerkte lesrooster, maar dit word nie geplaas in die nuusbrieff nie, aangesien hulle ook mag afwyk. Dit sal wel goed gekommunikeer word op hulle Whatsapp groepe. Vanaf 2016 word die graad 12 jeug ook deur Griffel gelei op hulle pad na Christelike groei. Aan alle graad 12's : Bly asseblief deel van die groep!!

Belangrik om te onthou is dat die graad 7 jeug van 2016 af ook sal deel vorm van die hoërskooljeug en daarom ook in die middae jeug kleingroep sal hê en nie meer Sondae oggende nie. **Neem kennis dat jeug kleingroepe vir Graad 7 – 12 Sondae om 16:30 sal plaasvind.** Dit gee ons jeugleiers genoeg kans om behoorlik deur die lesse te werk en ook nog betyds te wees vir die aand diens.

Jeugleiers vir 2016:

Graad	Jeugleier
Kleuterkerk	Petroné van der Merwe
Graad 1	Rachel van Wyk
Graad 2	Nicolette Voges
Graad 3	Anna-marie van der Elst
Graad 4	Karen Janeke
Graad 5	Rineke Visser
Graad 6	Marietjie Greeff
Graad 7	Emil Janeke
Graad 8	Rochelle Moolman
Graad 9	André Moolman
Graad 10	Pieter van Helden
Graad 11	Philip Snyman
Graad 12	Griffel van Wyk

FOKUSTyd 1: VERLOS



Ons is in ons eerste FOKUSTyd van die jaar!

Die tema is VERLOS. Ons gaan spesiaal aandag gee aan ons VERLOSSER. Ons wil HOM en sy verskillende rolle in ons lewens leer ken om meer te verstaan van ons VERLOSSING. Die FOKUSTyd duur vir 3 weke en bestaan uit 'n preekreeks en 'n Bybelstudie vir die hele gemeente elke week.

	Preektema	Bybelstudie-tema
WEEK 1	Jou eie profeet	Hoekom is waarheid nodig?
WEEK 2	Jou eie priester	Die pad is oop
WEEK 3	Jou eie koning	Die koning se gesag

Kom volg die preekreeks en skakel in by die Bybelstudies. Ons vra die bestaande Bybelstudiegroepe om ook vir hierdie drie weke die reeks te volg. Indien daar nie in jou wyk Bybelstudies is nie, oorweeg dan om 'n paar mense te nooi en een te begin! Die Bybelstudie riglyne is so opgestel dat enige persoon dit kan lei. Jy kan ook Sondagaande 18:00 by die kerkgebou kom inskakel.

Die Bybelstudie riglyne kan by die kantoor aangevra word of is elektronies beskikbaar by www.gktrinitas.co.za

Fokus saam en groei saam!

**GEREFORMEERDE KERK TRINITAS - GEMEENTEVERSLAG
INKOMSTE- EN UITGAWESSTAAT**

VIR DIE FINANSIËLE JAAR 2015 - 2016 MAAND:

JANUARIE 2016

	JAAR TOT OP DATUM		
	WERKLIK	BEGROOT	AFWYKING
INKOMSTE			
Bydraes	1 616 370	1 672 000	-55 630
Deurkollekties	19 422	6 000	13 422
Rente verdien	146 499	143 000	3 499
Ander	20 077	13 730	6 347
TOTALE INKOMSTE	1 802 368	1 834 730	-32 362
UITGAWES			
Totaal Woordverkondiging	1 274 401	1 215 179	-59 222
<i>Woordverkondigers</i>	770 338	758 848	-11 490
<i>Ramings en Klassisse</i>	504 063	456 331	-47 732
Erediens- & Kunstespan	24 565	61 725	37 160
Uitreikspan	4 000	11 000	7 000
Toekomsspan	8 625	0	-8 625
Toerusting & opvoeding	7 314	23 400	16 086
Administrasie Span	522 040	492 922	-29 118
Kerkkantoor uitgawes	61 211	51 574	-9 637
Versorgingspan	71 445	71 445	0
TOTALE UITGAWES	1 973 602	1 927 245	-46 357
OORSKOT / (TEKORT)	-171 234	-92 515	-78 719

Die Finansiesspan is verheug oor Januarie se bydrae van R157 000. Ons kan net die Here hiervoor prys. Een swaeltjie maak nie die somer nie en dus kan hierdie een maand se goeie bydraes nie gesien word as 'n tendens nie.

Uitgawes word sover as moontlik beperk en daarom sal projekte nog steeds in die toekoms afsonderlik hanteer word.

NAGMAAL-AANSOEKE IN TRINITAS

Ons wil baie graag hê dat Nagmaal die inspirerende en versterkende geleentheid vir elke Christen sal wees waarvoor Jesus Christus dit bedoel het: Om die evangelie prakties te kan sien, weer saam daarvoor bly te wees en bemoedig te word om met nuwe toewyding Jesus te volg as sy dissipels! Dit is daarom ook verder logies dat mense wat nie as belydende Christene sy dissipels is nie, nie Nagmaal kan gebruik nie. Ook mense wat hulself Christene noem, maar nie omgee om Jesus te volg nie en steeds hardnekkig in sonde volhard, kan nie aan Nagmaal deelneem nie. Party kerke gee nie werklik oor hierdie dinge om nie en het 'n 'oop' Nagmaal wat beteken dat enige persoon/besoeker Nagmaal kan gebruik. Ons gee wel om hieroor en het nie 'n 'oop' Nagmaal nie. In ons kerkverband (die GKSA) is Nagmaal net 'oop' vir mense van buite ons gemeente wat al hul geloof van gereformeerde aard openlik in 'n kerk bely het én van wie daar getuienis is dat hulle Jesus werklik met hulle lewens volg (KO Art 61). Dit is ons kerkraad se verantwoordelikheid om, sover dit moontlik is, hierdie getuienis na te gaan. Ons wil dit ook met wysheid doen en nie in liefdeloosheid God se kinders wegwys deur slaafs net wette te volg nie.

Die volgende kriteria geld dus tydens toelating tot Nagmaal by Trinitas:

- Lidmate uit ander gemeentes van die GKSA of ander gereformeerde kerke met wie die GKSA formeel bande kan het, kan by die kerkraad aansoek doen om saam Nagmaal te vier. Daar moet getuienis wees van hul lidmaatskap, asook van hulle lewenswandel.
- Lidmate van kerke buite hierdie kring kan ook met erkende getuienis (oor hul belydenis en lewenswandel) deur die kerkraad toegelaat word.

Nagmaal is dus nie oop vir enigeen om op die ingewing van die oomblik te kom deelneem nie. Daarom gee ons hieronder die volgende riglyne.

Indien jy vriende/familie het wat nie lidmate is nie en saam Nagmaal wil vier, vra ons:

1. Dat jy vooraf sy/haar voorneme aan 'n ouderling of die predikant bekend sal maak.
2. Dat jy sal vra dat so iemand een van die volgende *vooraf* sal doen:
 - a. 'n brief van getuienis vanaf sy/haar kerk sal laat aanstuur waarin die Nagmaalviering aanbeveel word;
 - b. of kontakbesonderhede van sy/haar plaaslike predikant/ouderling sal voorsien;
 - c. of ten minste 'n geleentheid sal help reël waartydens die wese van Nagmaal deurgepraat kan word met daardie persoon – saam met ons ouderlinge en/of predikant.
3. Hierdie aansoek moet op die heel laaste *vier dae* voor die betrokke Nagmaal (tipies die voorafgaande Woensdag) aan ons kerkraad bekend wees. Dit sal verseker dat daar genoegsame tyd is om op te volg indien daar verdere inligting oor die getuienis benodig word.
4. Indien die persoon 'n lidmaat van 'n Gereformeerde Kerk is, kan daar egter steeds met die nodige getuienisbrief die Sondagoggend voor Nagmaal aansoek gedoen word.
5. Die Kerkraad sal dus nie sonder genoegsame getuienis enige Nagmaal-aansoeke aanvaar nie. Ons hoop jy verstaan hoe ons Nagmaal-aansoeke werk, veral hoekom dit so werk en dat jy dit ook só vir jou gaste kan verduidelik. Ons wil regtig graag hê dat Nagmaal nie ongelukkigheid moet veroorsaak nie, maar op 'n verantwoordelike manier, met die grootste moontlike betekenis van groot waarde vir almal sal wees.